

Аллоҳнинг раҳматидан ноумид бўлманг!

06:04 / 17.11.2018 5643

Аллоҳ таоло Зумар сурасида шундай марҳамат қилади:

﴿الرَّحِيمُ الْغَفُورُ هُوَ إِلَهُكُمْ جَمِيعًا الذُّنُوبَ يَغْفِرُ اللَّهُ إِنَّ اللَّهَ رَحِيمٌ مَن نَقَسُوا لَا أَنْفُسِهِمْ عَلَىٰ آسْرَفُوا الَّذِينَ يَجْعَلُونَ قُلُوبَهُمْ غَافِلِينَ﴾

(Менинг номимдан) айт: «Эй ўз жонларига жавр қилган бандаларим, Аллоҳнинг раҳматидан ноумид бўлманг! Албатта, Аллоҳ барча гуноҳларни мағфират этар. Албатта, Унинг Ўзи ўта мағфиратлидир, ўта раҳмлидир» (53-оят).

Имом Бухорий Саъийд ибн Жубайр розияллоху анҳудан келтирган ривоятда айтилишича, кўплаб гуноҳлар қилган бир гуруҳ мушриклар Расулуллоҳ соллаллоху алайҳи васалламнинг ҳузурларига келиб:

«Албатта, сен даъват қилаётган нарса жуда ҳам гўзал. Қани, айт-чи, биз қилган нарсаларни ювадиган нарса ҳам борми?» – деб сўрашганида, Аллоҳ таоло ушбу ояти каримани нозил қилган экан.

Тафсирчи уламоларимизнинг таъкидлашларича, бу ояти карима Қуръондаги энг умидворлик ояти ҳисобланади. Бу оятда бандалар учун энг улуғ башорат бор.